

FOMENTA PIETATIS

6412. In Divum

FRANCISCVM  
XAVERIVM.

Indiarum Apostolum

SOCIETATIS IESV.

In Gratiam Eorum

*Qui eius ambiunt clientelam, Mediolan-  
ni prius Italicè; denuo Gracij Latine,  
recens verò recusa.*




CALISSIJ

Typis Collegij Societatis IESV.

Anno Domini 1669.

17





COMPENDIUM VITÆ  
S. FRANCISCI  
XAVERII

40667  
SOC: IESV.

**F**RANCISCUS XAVERIUS, in Xaveria  
Diœcesis Pampelonensis, nobilibus paren-  
tibus, totius Orbis Christiani bono editus, S.  
IGNATIO. sese comitem & discipulum iun-  
xit: Mortuus semel mundo, vt viueret semper  
Christo. carnem biduanis triduanisq; ieiunijs,  
eruentis flagellationibus. acuta ferreis clavi-  
zonâ, hausto non semel è morbidorum vlcere  
pure, ita Spiritui subegit; ut quamvis non es-  
set Spiritus, Spiritu, tota ageretur. Virginitate  
integerrimâ, laboribus indefessa; Nubes vola-  
tilis potius quàm caro, & vmbra Spiritûs, con-  
tinuo amore DEI, & proximi, bullientis non  
onus. Missus cum Apostolici Nuncij Potesta-  
te in Indias, Apostolica munera incredibili pe-  
nè labore exantlauit, Sanctitate pariter ac mi-  
raculis vere Apostolicus, adeoque Apostolus  
India-



Indiarum, oraculo Gregorij 13. in Bulla Canonizationis Anno 1622. omni merito appellatus. Difficillimis barbararum gentium lingvis, subito ac diuinitus imbutus: vno insuper Idiomate loquens, à diuersissimis nationibus intelligebatur. Currebat per Prouincias Nudipes, confixis, atq; contulis non raro pedibus. baiulus ipse Sacerdotalium indumentorum, & librorum diuinorū, quo penè modo plusquam centum millia Milliarium in causa Evangelij emensus. Seruus sua sponte ductori viarum, barbaro addictus, eā alacritate animi, præcuntem equitem sequebatur pedes; ut interdum manibus ad eqvum appensis, seu rueret in terram, seu violenter raptaretur, iter perurgeret. Vaticinia edidit innumera, signo crucis falsum edulcoravit, exarmavit mare precibus, pluit oratione Cineres, profligavit invocato Numine barbarorum exercitus: idem eodem tempore, geminis, & longissimè distitis locis, periclitantibus adfuit. Cum Insulam Moro ingressus, primum, à Concione audiretur, concussa terra, rugitusq;, ac voces dæmonum auditæ: Tu nos peruris FRANCISCE; tu regno pellis; In solo Malacensi Episcopatu, ostingenti miraculose sunt sanati, viginti quinque; mortui suscitati, nec adhuc omnes cogniti. Fide Japoniæ, Molucis, Amboino, alijsq; Provincijs vastissimis inuestâ, Cum magnos Principes, Regesq; &c. Complures, ac cum ijs vigesies Centena Millia populi, manu propria

A 2

baptis



Baptizasset, præ gaudiorum cælestium felici  
infusorum, multitudine; SATIS EST DO-  
MINE, SATIS EST, sæpe exclamare audi-  
tur: laboribus & proximorum salutis procu-  
randæ, satis nunquam dicere voluit: sed conti-  
nuo zelo anhelans, Sinarum imperia regna  
intrare contendit: Vnde ex Insula Sanciano  
die 2. Decem: ad laborum præmia evocatus.  
Demortui cadauer, viua calce per multos mē-  
ses bis obrutum, sed penitus incorruptum,  
odore & sanguine manavit. Idem cum per  
Mare in Indias reueheretur, scopulus naui im-  
minens, certum Naufragium Nautis ostenta-  
bat. Sed inuocata XAVERII ope, effectum  
admirabiliter, vt non scopulus navim, sed na-  
vis scopulum finderet, atq; fissum illæsa transi-  
ret. Moluæ quoq; ad adventum mortui, pe-  
stis sævissima confestim sedata, tot deniq;  
atq; tam varia miracula, à XAVERIO passim,  
in illis regionibus edita, vt ex Communi sensu:  
Si XAVERIVS Miracula non faceret, pro mi-  
raculo haberetur.

Mortuus Anno D<sup>i</sup> 1552. in itæ Societatis 13.  
ætatis suæ 55. In Sanciano. Sinarum Insula.  
Feria 6. Decembris die 2. A Sanctissimo D.N.  
Gregorio 13. an: 1622. Martij 12. in Sancto-  
rum Numerum relatus.

Obfer-



*Observanda ijs, qui proficere volunt in cultu erga*  
**S. FRANCISCVM XAVERIVM.**

1. Effigiem Christi Crucifixi peculiari veneratione prosequi; hæc enim patiente aliquid molesti in Indijs Xaverio; stillabat sanguinem qualibet feria 6ta. in domo paterna.

2. Assiduè DEVM pro conversione infidelium deprecari.

3. Frequenter pro animabus in Purgatorio DEVM rogare.

4. Sollicitum pro conservanda illibata puritate vigilare.,

5. Pro viribus suis in obsequia, & auxilia proximi incumbere..

6. Crebro confiteri, & conscientiam per examina, non secus ac pro morte discutere.

7. Sæpe Evangelicum illud animo recolere: Quid prodest homini, si vniuersum mundum lucretur, animæ verò suæ detrimentum patiat<sup>ur</sup>?

8. Quandoquidem Actionibus supradictis tota S. Xaverij vita redundat; conniti ad eius imitationem, easdem sibi reddere familiares.

9. Agere, ut promoveatur eius cultus, & veneratio, manifestando gratias per eum acceptas, & confitendo nostram versus ipsum obligationem..)



# OFFICIUM

S. FRANCISCI  
XAVERII. S. I.

## AD MATUTINUM.

Domine labia mea aperies. Et os meum  
annuntiabit laudem tuam.

Deus in adiutorium meum intende. Do-  
mine ad adiuvandum me festina.

Gloria Patri, &c. Sicut erat, &c.

H T M N V S.

In flore vitæ Xavier,  
Speris honorum fascibus,  
Spebusq; stirpis patriæ,  
Ad cæli amores vertitur.  
Sacri calore spiritus  
DEO parata victima,  
Ignatianis æstuans  
Totus liquefcit ignibus.

O vita IESV cordium!  
Fac, vt, caduca deserens,  
Te, sorte quam concesseris,  
Mea mens requirat vnicum!

Antiph. Egredere de domo tuâ, & de cogna-  
tione tuâ, & de terrâ Patris tui, & veni in terram,  
quam monstrabo tibi. Gen. 12.

Inveni filium Iesse, virum secundum cor meum.  
Qui faciet omnes voluntates meas. Act. 13.

ORE-



OREMVS.

Deus, qui Evangelium Regni tui, per barbaras gentes, & reconditas nationes, S. Francisci tui Xaverij prædicatione seminasti; & eius sanctitatem innumeris hactenus miraculis decorasti: concede quæsumus; vt cuius memoriam agimus, etiam virtutes imitemur. Per Dominum nostrum. &c.

AD LAVDES.

Deus in adiutorium meum intende, &c.

H T M N V S.

Exegit omnem laudibus,  
Amoribusq; Numinis,  
Inter secunda, & aspera  
Vitæ diem Xaverius.

Seu manè Sol assurgeret,  
Seu conderetur æquore;  
In ore DEVS infederat,  
In corde IESVS vixerat.

Mea, DEVS, ô felicitas!  
Fac, vt (quod olim gestio  
Amare te perenniter)  
Dum vivo, totus ordiar.

*Antiph. Quid mihi est in calo, & à te, quid volui super terram? Deus cordis mei, & pars mea Deus in æternum.* Psal. 72.

*Laudabit & que ad mortem.*  
*Anima mea Dominum.* Eccl. 51.

Oratio vt suprâ,

A 4

AD PRI-



## AD PRIMAM.

Deus in adiutorium, &c.

H T M N V S.

Misertus orbis vltimi  
Xaverius caliginem,  
Ab Occidentis sinibus  
Emergit instar Cynthij.

DEVM ferebat pectore  
Feris docendum gentibus,  
Apostolus deperditæ  
Iterum futurus Indiæ.

IESV salus mortalium!  
Ita fac amare proximum;  
Vt ab hoc amore Curia  
Adaugeatur Cœlitum.

*Antiph. Ite Angeli veloces ad gentem exspe-*  
*ctantem, & conculatam; cui diruperunt flu-*  
*mina terram. Isa. 18.*

*Dedi te in lucem gentium.*  
*Vt sis salus mea usq; ad extremū terræ. Isa. 49.*

Oratio vt supra.

## AD TERTIAM.

Deus in adiutorium, &c.

H T M N V S.

Miraculorum gloriā,  
Apostolatus infulis,  
Et gentium præconijs,  
Vbique magnus Xavier.

Suo tamen suffragio,  
Postremus vnus omnium,

Cuiusli-



**Quislibet solatijs**

**Se dedicat Xaverius.**

**O qui superba conteris**

**IESV humilium sublimitas!**

**Tuo ex amore despici,**

**Fac, vt frequenter expetam!**

*Antiph. Ante Dominum, qui elegit me, vilior  
fiam, plusquam factus sum: Et ero humilis  
in oculis meis, Et gloriosior apparebo. 2.Reg. 6.*

*Omnia omnia factus sum.*

*Vt omnes facerem saluos. 1. Cor. 9.*

**Oratio vt supra,**

### **AD SEXTAM.**

**Deus in adiutorium, &c.**

**H T M N V S.**

**O Virginem Xaverium!**

**Et sanguinis caloribus,**

**Erroribusq; gentium,**

**Et somnijs superstitem!**

**Hinc castitas post funera**

**Vetuit malam putredinem**

**Intacta semper lipsana**

**Xaverij contingere.**

**O Diva IESV puritas!**

**O Matre nate Virgine!**

**Da labe sine, me consequi,**

**Qua ductor Agnus iueris!**

*Antiph. O quam pulchra est casta generatio  
cum claritate; Immortalis est enim memoria illi-  
us; quo-*



us; quoniam apud Deum nota est, & apud homi-  
nes. Sap. 4.

Hi sequuntur Agnum quocumque ierit,  
Sine macula enim sunt ante thronum Dei. Apoc. 14.

Oratio ut supra.

### AD NONAM.

Deus in adiutorium, &c.

H T M N V S.

Vastæ remotas Indiæ  
Plagas obit Xaverius.  
Loiola sed vel littera  
Si iusseris, revertitur.

Nec sol, ut ut promptissimus,  
Vel stare, vel recurrere,  
Volente iussus Numine,  
Talis resorbet orbitam.

Exordientem Nominis  
Agnosco I E S V literam,  
Opto per hanc cum legibus  
Dei placita decurrere!

Antiph. Audi Fili mi, disciplinam patris tui,  
& ne dimittas legem Matris tuæ, ut addatur gra-  
tia capiti tuo, & torques collo tuo. Prov. 1.

In capite libri scriptum est de me.

Ut facerem voluntatem tuam Deus meus. Psal. 36.

Oratio ut supra.

### AD VESPERAS.

Deus in Adiutorium, &c.

H T M N V S.

Cecidere monstra Tartari,  
Idola pulsa gentium                      Fide



Fide instituti Iapones,  
Chinæ reclusa littora.

Vicena quin & fanera  
Et quinque vitæ reddita:  
Pulsis tot orbe pestibus,  
Franciscæ, Numen evocat.

IESU laborum præmium  
Mercede maior maximâ:  
Conando quidquid gessero,  
Te, Te in coronam posulo.

*Antiph. Cum ipso sem in tribulatione: eripi-*  
*am eum, & glorificabo eum: longitudine dierum*  
*replebo eum, & ostendam illi salutare meum. Psal. 90.*

*Nimis honorati sunt amici tui Deus.*  
*Nimis confortatus est principatus eorum. Psal. 138.*

Oratio vt supra.

## AD COMPLETORIVM.

Deus in adiutorium meum, &c.

H T M N V S.

Franciscæ iam coelestium  
Divinis recepte sedibus,  
Dignare te colentium  
Pijs adesse mentibus.

Omnem per orbem, gloriæ  
Tuæ eriguntur symbola:  
Per te impetratæ gratiæ  
Ubique stant insignia.

Eous, & Septentrio,  
Meridies, & Occidens;  
Et iste, & ille plurimis  
Tibi calet clientibus.

Opera



Operditorum temporum,  
Francisce, spes amplissima!  
Orbis Pater nouissimi,  
Patrone, lax, Apostole.  
Salue! tūoq; lumine  
Tuos serena supplices:  
Fac, mundus omnis ardeat  
Divini amoris Numine,  
Fides vt vna gentium,  
Fines inundet omnium;  
Vt vna pax cælestium  
Cor iungat, & terrestrium.

*Anti. Hic est fratrum amator, & populi Israël,  
qui multum orat pro populo, & vniuersa Sancta  
Civitate. Mach. 2. c. 15.*

*Ora pro nobis S. Francisce Xaveri.  
Vt digni efficiamur promissionibus Christi.*

#### OREMVS.

Deus, qui Evangelium Regni tui, per barbaras gentes, & reconditas nationes, S. Francisci Xaverij prædicatione seminaſti; & eius sanctitatem innumeris hactenus miraculis decorasti: cōcede quaſumus; vt, cuius memoriam agimus, etiam virtutes imitemur. Per  
Dominum noſtrū IESVM Christum  
Filium tuum, &c.

A. M. D. G. B. V. M. l. C. H.

LITAE



# LITANIÆ.

## AD SANCTVM FRANCIS- SCVM XAVERIVM.

Ex ijs

*Quas Illustrissimus Dominus D. F. Casparus de Villarroel, Episcopus S. Iacobi Chilensis, & Regie Hispaniarum Maiestatis à Consilijs, in honorem Sancti, quod eius patrocinio inter ruinas in terra motu iam sepultus, saluus tamen evasit, gratitudinis ergo concinnabit ipse, & statim ex holo diebus recitabit, ac etiam deinde in publicum aliorum bonum typis ebulgabit.*

**K** yrie eleison. Christe eleison. Kyrie eleison.

**C** hriste audi nos. Christe exaudi nos.

Pater de cœlis Deus, Miserere nobis.

Fili Redemptor mundi Deus: Miserere nobis.

Spiritus Sancte Deus, Miserere nobis.

Sancta Trinitas vnus Deus, Miserere nobis.

Sancta MARIA, Ora pro nobis.

Sancta Dei Genitrix, ora.

Sancta Virgo Virginum, ora.

Sancte Pater I G N A T I, ora.

Sancte FRANCISCÆ XAVERI, dignissime,

& dilectissime Fili S. P. Ignati, ora.

S. Francisce Xaveri Indiarum Apostole, ora.

S. Francisce Xaveri Evangelizans pacem, ora.

S. Francisce Xaveri Evangelizans bona, ora.

Vas electionis portans Nomen Iesu coram

gentibus, ora pro nobis.

**B**

Vas re-



Vas redundans Divinæ charitatis,	ora.
Firmamentum Orientis Ecclesiæ,	ora.
Propugnator Fidei,	ora.
Impugnator infidelitatis,	ora.
Prædicator Evangelicæ Veritatis,	ora.
Idolorum destructor,	ora.
Electum à Patre æterno instrumentum propa-	
gandæ Divinæ gloriæ,	ora.
Fidelis imitator, & Socie Iesu Chri: Filij Dei, o,	
Tuba resonans Sancti Spiritûs,	ora.
Columna Templi Dei,	ora.
Lux Paganorum,	ora.
Magister credentium,	ora.
Speculum veræ pietatis,	ora.
Dux in via virtutû, & Christianæ perfectionis.	
Exemplar Apostolici Spiritus, & sanctitatis,	
Lumen cæcorum,	ora.
Pes claudorum.	ora.
Auxiliator naufragantium,	ora.
Salus ægrotorum,	ora.
Eugator Dæmonum,	ora.
Vita mortuorum,	ora.
Cuius potestati obediunt mare, & tēpestates, o,	
Cuius imperia venerantur vniuersa elemēta, o,	
Prodigiorum Thaumaturge,	ora.
Refugium miserorum,	ora.
Gaudium afflictorum,	ora.
Orientis splendor,	ora.
Pignus resurrectionis ad vitam gratiæ, & glo-	
riæ,	ora pro nobis.
<u>Tabernaculum incorruptionis,</u>	ora.

Era ri-



Erarium Divini Amoris,	ora.
Gloria Societatis IESV,	ora.
Legate Apostolicæ Romanæ Sedis,	ora.
Pauperrime Xaveri,	ora.
Castissime Xaveri,	ora.
Obedientissime Xaveri,	ora.
Humillime Xaveri,	ora.
Crucis Christi, ac laborum pro Christo cupidif- sime Xaveri.	ora.
In salutem proximi vigilantissime Xaveri,	ora.
Suavissime Xaveri.	ora.
Gloriosissime Xaveri,	ora.
Animarum, & Divini honoris Zelator arden- tissime,	ora.
Angele moribus, & vitâ,	ora.
Patriarcha affectu, & studio, curandi populum DEI,	ora.
Propheta dono, & Spiritu,	ora.
Apostole dignitate, & merito,	ora.
Doctor gentium, potens in multifario sermo- ne, & opere,	ora.
Confessor virtute, & vitæ professione,	ora.
Virgo animo, & corpore,	ora.
In quo vno omniū Sanctorum merita, ex Divi- nâ benignitate veneramur.	ora.
Agnus Dei qui tollis peccata mundi, nobis Domine.	Parce
Agnus Dei qui tollis peccata mundi, di nos Domine.	Exau-
Agnus Dei qui tollis peccata mundi, rere nobis.	Misce-



Christe audi nos, Christe exaudi nos.  
Kyrie eleison. Christe eleison. Kyrie eleison.  
Pater noster, &c.

Et ne nos inducas in tentationem.

Sed libera nos à malo.

Ora pro nobis S. Franciscæ Xaveri.

Vt digni efficiamur promissionibus Christi.

OREMVS.

DEVS, qui Indiarum gentes, Beati FRANCISCI prædicatione, & miraculis Ecclesiæ tuæ aggregare voluisti: concede propitius; vt, cuius gloriosa merita veneramur, virtutū quoq; imitemur exempla. Per Dominum nostrum JESVM Christum Filium tuum, &c.

*Oratio S. Franc: Xaver: pro persecutoribus,  
Tursel: vita l. 5. c. 6.*

Domine JESV Christe, DEVS cordis mei, per acerbissimos mortis tuæ cruciatus, obtestor te, vt intuearis tuas ipse cicatrices & vulnera, quæ Patri tuo assiduè pro nobis exhibes, eaque salubria esse velis omnibus persecutoribus nostris, vt resipiscant.

*Aspirationes S. Franc: Xaver: morientis.*

JESV! JESV! Fili David miserere mei. Tu peccatorū meorum miserere! Mater Dei memento mei! Monstrate esse Matrem. JESV DEVS cordis mei! In te Domine speravi, non confundar in æternum!

AFFE-



# A F F E C T V S

Amantis Animæ

## S. FRANCISCI XAVERII.

**O** DEVS! ego amo Te.  
Nec amo Te, vt salues me:

Aut, quia non amantes Te  
Æterno punis igne.

Tu, Tu, mi IESV, totum me  
Amplexus es in Cruce:

Tulisti Clauos, Lanceam,  
Multamque Ignominiam,

Innumeros Dolores,

Sudores, & Angores,

Ac mortem; & hæc propter me,

Ac pro me peccatore:

Cur igitur non amem Te,

O IESV amantissime?

Non, vt in cœlo salues me;

Aut ne æternum damnes me:

Nec præmij vllius spè.

Sed, sicut Tu amasti me,

Sic amo, & amabo Te.

Solùm, quia REX meus es:

Et solùm, quia DEVS meus es. A.

*Aspirationes eiusdem Sancti quotidiane.*

*ex Vita & Epistol: excerpta.*

**I**ESV Christe Fili DEI vivi, da hoc nobis,  
vt te super omnia diligamus.

Da nobis Domine sanctissimæ voluntatis



tux perfectè semper agnoscendæ & adimplen-  
dæ gratiam.

Non nobis Domine, non nobis, sed Nomi-  
ni tuo da gloriam.

Quis mihi det, vt ego moriar pro te, & co-  
gnoscant te omnes fines terræ!

Amplius Domine *cruciari* amplius!

DEVS cordis mei & pars mea DEVS in-  
æternum.

Satis est Domine, *Te si habeam*, satis est.

Domina opitulare! sanctissima DEI Pa-  
rens; coeli Regina, quæ quicquid oras Filium,  
semper exoras, esto Aduocata nostra.

*Aspirationes eiusdem inter dormiendum.*

*Relat: pro Canoniz: p. 19.*

Mi IESV! dulcis IESV!

O IESV bone! o Creator mi!

Z E L V S S A L V T I S  
A N I M A R V M.

*Ex Orat: S. F. Xaverij, quæ habetur apud  
Lucenam l. 5. c. 5.*

**M**emento clementissime rerum omnium  
conditor DEVS animas infidelium, hæ-  
reticorum, & peccatorū à te solo creatas, quas  
ad imaginem, & similitudinem tuam fecisti,  
ecce Domine in opprobriū tuum his ipsis quo-  
tidie implentur inferni. Memento pretiosi san-  
guinis,



guinis, & amaræ mortis, quam pro iis vltro suscepit IESVS Christus vnigenitus tuus. Recordare lacrymarum, suspiriorum, & vulnerum eius. Ne permittas vitra Domine, eundem dilectum Filium tuum à paganis & peccatoribus denuo crucifigi, & ostentui haberi. sed precibus electorum tuorum placatus, fac vt fideles, hæretici, & peccatores omnes agnoscant, diligant, æternūque glorificent te, & quem misisti IESVM Christum Dominum nostrum, pro quorū omnium salute ego me totum, meaque omnia diuinæ Maiestati tuæ offero, & deuoueo. *Confiteatur tibi populi DEVS, confiteatur tibi populi omnes. Omnis terra adoret te, & psallat tibi.*

*Ordinaria pia opera erga S. Xaverium  
Singularis mensibus.*

Oportunum fuerit singulis primis feriis sex-  
tis cuiuslibet mensis, sacræ synaxi accumbere,  
ac ieiunium eiusdem diei stabile offerre Deo,  
cum dictâ communionem, pro animabus Purga-  
torij, quæ peculiariter affici erga Sanctū con-  
sueverunt.

Proderit deinceps, quāvis tertiā Dominicā  
mensis, coronam Beatissimæ Virginis recitare,  
aut sacro Missæ interesse, supplicando pro con-  
uersione gentium. Insuper Communionem  
quæ fortè feria sextā minus commodè accide-  
ret, eodem Dominico peragere.

*Singularis Hebdomadis.*

Feriā sexta cuiuslibet hebdomadæ, condu-  
cet



cet invifere templum S. Apoftolo dedicatum,  
aut altare, recitando eo in loco decies Pater, de-  
cies Aue, & decies Gloria Patri, recolendo me-  
moriam annorum decem, quos pro falute pro-  
ximi in Indijs impendit; factaque intentione,  
orandi pro omnibus, Sancti huius Patroni ho-  
norem fideliter, ac folicitè procurantibus.

### *Singulis diebus.*

Singulis diebus licebit cuius ter deuotè pro-  
nunciare fequentia: S. Francifce Xaveri ora  
pro nobis, vt digni efficiamur promiffionibus  
Chrifti. Commodius fortè accidet ifta dicere.  
Primò, cum electo surrexeris; fecundo, vefpe-  
re priusquam decumbas; tertio, fub horam vi-  
geſimam primam, qua & Chriftus, & Sanctus  
tuus Patronus obierit.

### *Extraordinaria pietatis opera.*

Quodfi quis peculiarem aliquam interceſſi-  
onem ipſius Sancti, pro impetranda ſibi à Deo  
ſingulari gratiâ defiderauerit; vtetur ſequen-  
tibus, & iam vſitatis alibi Sanctum invocandi,  
& honorandi rationibus. Eligat primo decem  
ferias ſextas continuas, quarum quamlibet ie-  
iunio, confeſſione, & communione peracta,  
tranſigat. Recitet ſecundò decies Pater, decies  
Aue, & decies Gloria Patri, in Eccleſiâ, aut ad  
altare ſancto Apoftolo conſecratum. Offerat  
Deo merita Sancti ſui Patroni exhibita ab eo  
per id tempus, cum is proximorum ſaluti de-  
ſerviret. Oret pro Eccleſiæ ſanctæ publicis ne-  
ceſſita-



cessitatibus. Pro conuersione infidelium, & A catholicorum, eorum maximè, qui obstinati volvuntur in sceleribus; præsertim si quos tales, in viciniâ domûs, aut regionis fore contingeret. Pro animabus item in purgatorio, & pro singulis, qui sancto huic Apostolo peculiariter se dedicârunt. Quibus omnibus demissè id subiunge, quod postulas, & roga desideratâ gratiâ.

Per decem has hebdomadas consultum erit, sæpius historiam vitæ ipsius sancti inspicere; vt ad sequelam heroicarum ipsius virtutum exciteris; & maiorem fiduciam concipias consecuturæ gratiæ ex ipsius intercessione.

Aduerte, prædictas deuotiones vsui etiam esse posse, cùm gratias agere volueris de beneficio non vulgari per intercessionem S. Xaverij obtento.

*Intentio.*

Suscipe sancte Pater, omnipotens æternæ Deus, ad laudem & gloriam sacratissimi nominis tui & (hic exprime propriam intentionem, ad quam omnia huius diei opera, offerre vis) omnia, quæ ego indignus famulus tuus hodie sum cogitaturus, dicturus, factururus & passurus. Hæc tibi ego Deo meo vivo, & vero, omnia & singula, siue parua ea sint, siue magna, in vnione meritorum vitæ passionis, & mortis vnigeniti Filij tui Domini nostri Iesv Christi, nec non sacratissimæ eius genitricis Virginis Mariæ, & beatorû Apostolorû, Martyrû, Confessorum, Virginum, omniûque tam triumphantis, quam militantis Ecclesiæ tuæ, offero: quorum

rum



rum precibus meritisq; concede, vt hoc holo-  
caustum in conspectu Diuinæ Maiestatis tuæ,  
cum odore suauitatis ascendat., Per eundem  
Christum Dominum nostrum, Amen.

*Oratio ante studia ad B. Virginem*

O sedes sapientiæ Beatissima Virgo MARIA,  
o Tabernaculum Spiritus S./ o liber septem fi-  
gnaculis gratiam Spiritus S. obsignate, scripte  
intus & foris Diuini amoris penicillo, in quo  
sunt omnes thesauri sapientiæ & scientiæ Dei  
reconditi. O Dulcissima sponsa Spiritus S. fac  
quæso per Immaculatam Cōceptionem tuam,  
vt linguam meam erudias, atq; in labijs meis,  
gratiam tuæ benedictionis infundas. Impetra  
mihi intelligēdo acumen addiscendi facilitatē,  
retinendi capacitatem, interpretandi subtilita-  
tem, loquendi gratiam copiosam, Amen.

*Actus Contritionis.*

Domine IESV Christe, animarum nostrarū  
amator ardentissime, qui præ nimia charitate  
tua, non vis mortem peccatoris, sed magis vt  
cōuertatur & vivat; doleo ex intimo corde me-  
o, qvòd te Deum meum, atq; benignissimum  
redemptorem offenderim, qui me usq; adeo  
dilexisti, vt pro me seruo vilissimo, sanguinem  
tuum pretiosum fundere, & mortem acerbissi-  
mā subire dignatus sis. O bonitas infinita De-  
us meus, utinam te nunquam offendissem, quia  
infinītè bonus es, & super omnia cordis mei de-  
siderabilia amabilis. Ignosce bone IESV mise-  
ricor-



cordiam petenti. Miserere peccatoris, pro  
quo apud Patrem tuum vox sanguinis tui inter-  
bellat. Ignosco & ego pro amore tui, omnibus  
qui me vnquam offēderunt; firmiterq; statuo,  
vniuersa deinceps peccata fugere, & ea, quæ  
contra immensam bonitatem tuam commisi,  
in amaritudine cordis confiteri; ac te Deus me-  
us propter temetipsum super omnia amare.

### *Recollectio Horaria*

O IESV, summum & omne bonum meū!  
Cur unquam te offendi? Ah vere pœnitet me  
ex intimis medullis, ideoq; vel maxime, quia  
tibi soli peccaui. Et quid iam ago? te æstimo,  
vnum amo super omnia, propter te ipsum,  
qui hoc amore meo, omniq; alio, sine fine di-  
gnus es.

*Actus Fidei. Spei. & Charitatis ante Com:*

Credo mi IESV, Te esse in hoc Sacramento  
vnum DEVM & hominem in hac, & pro hac  
fide, mori sum paratus. Et cum hac fide Te su-  
scipio. Spero mi IESV, me aliquādo visurum  
Te in gloria Tua. Amen amen Domine mi. In  
hoc spe suscipio Te. Amo Te mi IESV super  
omnia quia summa bonitas es. In hoc & ex hoc  
amore suscipio Te. O Domine non sum qui-  
dem dignus sed quia hæc est bonitas & digna-  
tio Tua. Veni desidero Te millies, desidero Te  
in finities, veni & imple desiderium meum.  
Nunc tempus est Domine ornare me meritis,  
gratijs & virtutibus Tuis, & omnium electorū  
Tuorum dignè Te, quia pauper sum vilis &  
abiectus nimis.

*Post*



*Post Communionem.*

Mi IES V, portio mea Corpus tuum, portio Tua Corpus meum. Mi IES V portio mea voluntas Tua, portio Tua voluntas mea. O Domine utinam totus transformer in Te. O sanguinem possim fundere pro Te.

O Corpus IES V a me sumptum, immunda animam meam & corpus meum, transforme me, Christifica me, Deifica me.

*Genua flectens Dic 5.*

LAVDETUR SANCTISSIMUM  
SACRAMENTUM.

*Affectus ad Christi Domini Vulnera.*

O magnum Misterium! ô profunda magna vulnera! ô dulcedo Divinitatis! ad sis mihi ad aeternam beatitudinem obtinendam.

Saluto Domine IES V Rosea, ac suavissima vulnera tua, quæ suscepisti pro me, in quibus descripsisti me. Saluete, Saluete, Saluete vernantes & salutiferae plagæ Redemptionis mei, & amatoris mei.

Post mortem apparuit S. Xaverius, agrotanti Mastrillo, in forma Peregrini, Neapoli 10. Ianuarij 1634. eumq; per sanans, hunc modum saluandi S. Crucem docuit in hæc verba.

Aue lignum Crucis, aue Crux pretiosissima; me totum tibi dedico in perpetuum.

BIBLIOTHECA

